

乾隆烏程縣志

烏程縣志卷之二

山川

吳興山水清遠昔人共談蓋舊嘗交流名爲今之澤國而
蒼弁聳峙實爲古之岫中遊其地者短策可登輕橈可泛
疏峯秀嶂迴渚環洲下映上探皆成麗矚是以延高流之
勝賞流藻詠之遺篇謝太傅所題洵非虛語予幸宰山水
縣惜無鄺元才筆寫貌幽遐掌錄之餘竊恐澗壑林壑政
復不免爾志山水第九

峴山在縣南五里本名顯山以唐廟諱改

太平寰宇記

西吳里山傍郡城若襄陽大峴故名崇正烏程縣志釋文云
峴者見也山之首見曰峴一出安定門卽見此山故名山頂舊
有靈慧塔久廢有浮玉泉產石水際有奇樹石當前碧樹千
頃浮玉一片若拱若就百里中勝槩也舊紀南漚浮玉北漚
城道場西來此爲盡龍山多亭樹且近城遊者無虛日

鄭明選遊峴山記略峴山去郡不滿五里游者非有齋糧遠

涉之苦援藤捫葛之勞人特便之戊子仲春予與客乘舟至
山麓山前碧浪湖蓋餘不溪也自天目南來二百里過釣魚
山匯而爲湖廣五里許滉漾澹蕩色如天碧由山左石磴上
至浮碧亭則自伏虎岩至車蓋山中間峯巒雜出若飛若躍
若臥若趨爭奇角秀湖南有蘇灣其上村居數十家桃李如
錯錦自浮碧亭而上有巨石拔土而出石有大竇曰窪尊石
背有三賢祠自祠而上有逸老堂湖山之勝所見益曠矣山
巔有滴翠軒萬竹千天綠陰如晦予謂客曰襄陽峴山以羊
叔子重此山顏季而後有逸老諸公逸老而後我輩寧復有
知者乎客亦感歎遂解纜而返

鄭侯升集

謝準剡峴山記略吳興山至多獨峴山蟠郡南而近下據碧
浪湖遊客蓋有相摩云千里之行自足下始爰發尺名客戒
舟於溪敕舟子楚主人肩輿先至問老僧興廢事已而山下

屐聲甚厲則客至矣於時碧梧隕霜雁影南向西風吹浪高
濺客衣各有寒色攜手入滴翠軒徙倚笑看雲遠近雲樹翠
色可餐而丹楓錯落右則車蓋危峯岌岌欲墮左則平湖千
頃茅屋萬家映帶林薄主客欣然蓋不荀苟而醉矣久之視
目且崦嵫則連臂下山經逸老堂堂圯四壁立又下爲李相
窪樽石客笑謂此蹄涔也者將牛其飲幾余曰碧浪可供一
吸何必罄破山骨也故亭俱廢折入寺寺亦廢榛莽刺客不
可生遙聞江聲隱隱月如團白浪中翻矣亟登舟趨浮玉水
及山腰浮屠石級已斷客賈勇先登月去人不數尺金光一
道入水水紋如沸而漁舟橫笛兩兩歸來客大叫以爲奇有
間露入秋衣客寒益甚始歸舟漾之中流從所之焉比入城
潮下四刻矣

小草齋集

釋清晝陪顏使君登峴山送張侍御詩峴首千里情北轅白

茲發烟霞正登覽簪筆限趨謁黃鶴望天衢白雲歸帝闕客
心南浦柳離思西樓月畱賞景不延感時芳易歇他時有山
信一爲訪林樾

村山集

又同顏使君峴山送李法曹陽冰獻書赴京詩漢世中郎妙
周王太史才雲書捧日去鶴版下天來草見吳洲發花思御
苑閒羊公惜風景欲別幾迴迴

同上

米芾和林公秋登峴山之作皎皎中天月團團經千里震澤
乃一水所占已過二娑羅卽峴山謬云形大地地惟東吳偏
山水古佳麗中有皎皎人瑤衣玉爲珥位維列仙長學與千
年對幽操久獨處迢迢願招數金颺帶秋威款逐雲檣至朝
隣興馭颺暮返秋光袂雲有風驅蟾蜍有刀科亭亭太陰
宮無乃瞻星氣興深夷險一理洞軒裳紛紛夸俗勞坦坦
忘懷易浩浩將我行蠶蠶須公起

明卿編

貢師泰峴山雨泊送客詩昨日何處泊今朝此地誰書

峯遶碧水玉湖浮雨隱巡鹽鼓風腥挂網舟祇因歌款乃同

着綠簑遊

玩齋集

初令

錢惟善峴山分韻送錢德謙之湖州學錄詩我昔遊吳興冥
搜峴山首前贈李別駕後仰蘇太守文章世爭傳風雨尊不
朽登臨豈無人二子名獨久因之憶襄陽形勝開闢有牟杜
嘗愛之聞望揭星斗致令墮淚碑感慨千載後踞虎彼則然
漁釣此爲右兩地雖云殊能事果同否煩君弔陳跡長歌傳
卮酒

江月松風集

劉基峴山晚眺詩湖上青溪溪上山小亭結構俯人寰窗中
樹色宜晴雨門外灘聲自往還吸月尊深浮玉近采蓮舟去
碧波閒春蘭秋桂年年好憔悴風塵滿厚顏

誠意伯文集

張羽峴山詩蒼山走南門雉堞隱相並明湖眇東滙亂石皆

北向勢如渴虹奔，飲首臨巨漲。孤亭壓其巔，窪石頽益益。十年可對飲，斧鑿自天匠。平生愛山水，脫身事幽訪。落帆絕壁下，登探俯清曠。冥冥沙鳥逝，汎汎漁舟漾。崩崖露黃腸，云是古人葬。我聞襄陽山，茲名乃相況。羊公仁足懷，杜子功可尙。當時一躋攀，山勢益增壯。愧我非古人，登茲獨惆悵。且當隨鷗鷺，散髮凌浩蕩。長嘯天地間，身名兩俱忘。蘇東坡集

王叔承泛碧浪湖登峴山詩，自舫隨鷗影，青帆濕浪花。山垂湖上翠，雲擁日邊霞。木落寺門出，石危莎徑斜。飛舄暮光急，吾分宿蒹葭。吳興雲文補

皇甫汈詠峴山，鐵笛詩。峴山高兮蒼水清，陟窈窕兮眺巖欽。朝騁駕兮東施，夕弭節兮西岑。落玉齒兮生芳林，橫鐵笛兮吹龍吟。洪濤震兮元雲陰，叅差臂簪難爲音。皇甫司勳集

李應徵人日峴山遺興詩，人日人爲客，春風春可憐。烟波浮

宅遠邱壑寄情偏柏葉烏程酒椒盤下若鰻如從習池飲醉

臥峴山前

明詩餘

鄭明選峴山宴陳太常詩七月峴山天氣涼風亭乍雨湖茫
茫輕舟出浪若飛瓦巨石滿岡如聚羊斗酒未覺主人滿高
歌正宜秋日長維尊遺迹至今在不見昔賢空階廊
吳綺峴山詩我聞羊叔子登臨俯襄沔如何來茲邦有山復
名峴出郭既不適入林亦匪淺高樹瞰碧波古徑緣蒼藋亭
下老石尊顏李昔流酒清風颼難卽盛德固所緝願言汭流
光幽芳或可攀

林遠堂集

學士山在蘇灣與峴山相對蘇軾嘗遊此故名或曰卽方屏山

記

袁表蘇灣山詩山田十畝傍湖陰草屋三間對竹林地古清

幽宜卜築天教閒散得登臨葛洪自有移家志陶令能無結

社心已矣謀生具計拙東西南北任浮沉

袁表之集

車山鳥程南七里 吳興志

黃潛章德茂同石車山詩城南日日望蘇灣碧樹童童蓋

一山何意茲辰成邂逅與君攜手共躋攀鈎衣亂石通高步

着面和風啟醉顏尙愛碑銘多新刻俗書且勿關妖嬈 黃文獻公

集

上下釣魚山在浮玉山南一名潘塘山 崇正鳥程縣志

吳興志故從錢山北出為潘塘山

九里山一名鮑家山在縣南九里因名 嘉興府志

吳興志故從九里山在車蓋之南鮑山與九里山隔水

張復亨三月望日宴鮑家山詩春烟漠漠草離離短策輕衫

信所之泛水落花渾不見因風飛絮淡相宜一尊且醉青山

酒四座誰辭白雪詞愛煞主人情爛熳倦投荒店更題詩 吳興

藝文

道場山縣南十二里舊名雲峯後人建寺奉佛謂之道場山麓有
百步磴從松陰而上曲徑盤旋數折而至其巔爲一郡之望山
與何山相接

崇正馬程縣志

都穆遊道場山記略予至吳興太守同年呂文郁招予爲道
場之遊舟出南門三里入硯山寺已而泛碧浪湖夾岸之山
遠近起伏蒼翠欲滴而湖水如玉每風生浪湧色尤可愛南
行二里經浮玉山又七里抵道場浜西行里許卽道場山上
山六百步經嘯月亭故址又上四百餘步有老屋三楹榜曰
伏虎道場洪武初郡守襄陽楚岳築也西北而上百十二步
有金剛殿折而北經萬佛閣閣左右鐘鼓樓僅存其址度石
梁其下爲放生池佛殿東北曰一勺泉北二池曰工日
席取蘇文忠詩屋底清池照瑤席也南上幾二百步經華光
樓西卽所謂伏虎岩百三十步至仰高亭又上至息肩亭自

此至望湖亭太湖在目群峯聚之登臨佳處也又上百步有
華光殿其後閣雄據山巔名曰雲峯閣之東有浮屠一成化
間燬於雷火今惟存其中之石矣

南漳集

釋智圓送黃上人歸道場山詩行行攜錫妙幽景到山分殘
雪經春在林鐘度水聞松深生晚吹潭靜照閒雲岩閣重開
講清香入夜焚

閒居集

又出道場途中作獨下層巒景物秋依依雲木似相留孤舟
曉泛平波去更爲青山一轉頭

同上

蘇軾與客遊道場何山詩清溪到山盡飛路盤空小紅亭與
白塔隱見喬木杪中休得小菴孤絕寄雲表洞庭在北戶雲
水天渺渺菴僧俗緣盡淨業洗未了十年畫鵲竹益以詩自
饒高堂儼像設禪客各深劬奔泉何處來華屋過溪沼何山
隔幽谷去路青且峭長松度翠蔓絕壁挂啼鳥我友自

尙歎所歷少歸途風雨作一洗紅日燎我驚萬竅號黑霧捲
蓬蓼舟人紛變色坐羨輕鷗矯我獨喚酒杯醉死勝流殫書
生例強狺造物空煩擾更將掀舞勢把燭盡風篠美人爲破
顏正似腰肢媚月明便陳迹清景墮空杳作此寄餘歡萬古
一昏曉

東坡居士集

又遊道場山何山詩道場山頂何山麓上徹雲峯下幽谷我
從山水窟中來尙愛此山看不足陂湖行盡白漫漫青山忽
作龍蛇蟠山高無風松自響悞認石齒驚滿山僧不放山
泉出屋底青池照瑤席堦前合抱香入雲月裏仙人親手植
出山回望翠雲鬟碧瓦朱甍縹緲間白水田頭問行路小溪
深處是何山高人讀書夜達旦至今山鶴鳴夜半我今廢學
不歸山山中對酒空三歎

同上

蘇轍次韻子瞻遊道場山何山詩兩山相負闢峯麓流水重

重注谿谷遊人上尋流水源未覺崎嶇病雙足山深下視雲
漫漫徑垂石底千屈蟠松林陰森白日靜忽驚人世如奔湍
客行不避苦寒出僧定端居不下牀人生嗟與草木同置身
所在猶初植堂中白佛青螺髻氣象冲淡非人間坐令遠客
厭奔走徑欲築室依空山木魚琅琅夜將旦星斗敲斜挂山
半行役有程未可留將出山門復長歎

樂城集

釋道潛道場山詩東風吹雨過城闌日照河隄柳映津兩槩
差差搖燕尾千山漠漠散魚鱗長緣絕境闌幽夢尙喜茲遊
及暮春蘭蕙未衰桃李在蜂喧鳥咽莫愁人

參寥集

劉一止題道場山詩雲亂修室冰不如妙香隨處滿空虛頭
陀告劫衣塵在何向此生心地初涉世情疎終爾嬌愛山緣
重費消除道人勸我發深省相對五更聽粥魚

苦溪集

沈清臣道場山詩松篁十里綠成谿短短盤輿入翠微回首

青山已陳迹，隴頭猶見白雲飛。成化湖州府志

張弼遊道場山次沈國錄韻。玻璃盆外起千鬟，路入空潭紫

翠間。心遠最宜天宇迥，眼明偏見野雲閒。寒泉水留千載

清磬，疎鐘度兩山。我亦湘城三徑在，湖邊歸去洗塵顏。張南軒集

洪咨夔道場山詩。何山如幽人，道場如大家。穰穰衲子，

刺騷翁牙，扶僂控寒飈。披光躡晨霞，危巔矯率堵。平時略汗

邪，岩泉跑虎湧。徑松聳龍拳，鐘梵破深寂。金碧開芬葩，修廊

步履岐。傑閣望眼賒，山勢珮玦矗。湖光鏡奩徹，清節杳竒入。

古弁空濛遮，列翠不可唾。翠嶺無敢譁，坐我栴檀林。酌之槍

旗茶，宇定岫出雲。語妙天雨花，吾生久墮甌。昔遊慣乘槎，

猶虛阜陽宿。畱岷江涯，高曾畱嶠棧。卑或搜崖窪，舊夢難歷

省。此行足雄誇，老親八十健。閒倚二三佳，指浮一葉渺。收覽

萬景奢，富貴上蔡犬。貧賤東陵瓜，未須笑落鐸。誰能苦觴沙

候門占噪鵲旋繞趁歸鴉奇事恐沒沒舉詩屬僧伽

書畫錄

周紫芝舟過道場山下將往遊以雪阻詩風蒲飽朝航霽色

急新漲雲山繞平湖水墨淡屏幃夷猶柁初回突兀山入望

何妨傾寸眸便足了千嶂想像鐘磬音隱約管漢上我欲一

往遊遐瞻茲可暢暮雪猶在塗遺事不得訪人生蠟屐緣一

世能幾兩登山追勝遊腳力須少壯重來定何時吾策今可

杖老願復爾遠撫事一惆悵

太倉種米集

趙孟堅道場山詩秋泊禪扉夜清吟入興頻風生水鱗甲雲

放月精神禪有機元瓶詩無句法新舊題尋不見吹遍壁間

塵

書畫錄考

客重到招提十七年吟題墨色又成蟬蟠蚪老檜枝垂舞刻

像前碑石載鐫畱賦縱然長滿壁元機竟莫悟枯禪

子聚居

同

癸復蘆花施釣船

王阮九月六日汎舟航村舟人不審誤抵道場山施登焉因
過何山漫賦一首千巖盡空濛一水遶葱蒨寺從馴虎立山
作盤龍轉嗟予千里來適此十年願初竿蓮葉舟誤逐桃花
岸重搗九節筇上盡百結緜陰崖滴翠寒竹韻含風村色
爭烟霏泓湫靡旱暵載窺峯堵尖平視蒼狗變樓閣村山光
城郭瞰波面未覺髀肉酸先苦銀海眩晚尋一溪曲更得何
山便平時翠浪湧返照金色現回首笑月亭消息真已薦

文集

仇道道場山詩山行窺背路半勝伏虎禪師古道場老木陰
中安御坐白雲堆裏撫僧牀勺泉清徹涵秋味尖塔孤撐界
夕陽雲月亭空人影散松風和雨動天寶

山村遺集

趙孟頫道場山詩絕頂清秋凌翠烟登臨應費酒如川平生
能著幾兩屐負郭何須二頃田初日出雲光射地怒風生浪

水涵天升高望遠我所愛把酒長歌憤宿絲

松雪齋集

鄭元祐登道場山詩道場古名刹浮屠冠其山峯巒日星上
棟宇雲霧間羅立千桂宮欲抗九虎關蘇公昔出守以商榷
未班詩如九河奔雷列青嶽顏至今作虹氣夜電搜神效趙
侯景蘇者水綠芙蓉殿公餘繼嘯詠暫可旭愚頑

僑吳集

黃玠與宇文同知張主簿遊道場山詩三月三日天氣佳縣
官出城早休衙亦有前溪宇文氏水晶宮外看春花碧浪微
風動浮玉翡翠蘭苕採柔綠笑指高人讀書處輕舟已到何
山麓何山山頭更是山路出千年杳靄間僧居蜂房開戶牖
滅沒紫翠飛朱丹川原忽滿最高閣五湖烟雲一凭闌昔年
惡虎今在否但見醜石遺蒼頑麗姝來往多如雨紫綾香纓
結金縷佛前細語人不聞倒坐籃輿下山去

弁山小隱吟錄

謝應芳和趙仲穆所書蘇文忠遊道場何山詩溪流行盡穿

林猶自塔紅亭照岩谷道場深處看何山僧住山頭我山足
兩山雲似海瀾漫飛路百折空中蟠我昔幽尋愛僧舍亦欲
卜築臨清湍東坡先生不世出咳唾珠璣落禪席可憐前度
厄兵燹一路寶幢誰再植永嘉山水污歌鬢幸無若人來此
間坡詩珍重趙侯寫使我見詩如見山我衰不夢周公且猶
夢薛山及春斗買花載酒約吳生慎弗渝盟重嗟歎
朱德潤登道場何山用坡仙韻松楸夾道雲迷巖泉無聲
走空谷捫蘿倚磴行轉紉百折峯巒看未足鴈鵠泣而山漫
漫懸崖老樹蒼虬蟠盤倚檻倚木末漱泉激澗分餘瀉老
僧趺坐話夙昔夜半談空屢前席自言久是茲山主巖下長
垣屢封植山頭碧瓦如連環曾聞仙客來雲間猿驚鶴怨知
幾許伊吾聲斷愁空山明朝烟雨開晴旦折花臨水春將半
我亦歸山讀故書何必懷仙生浩歎

存復齋稿

楊維禎登道場山詩道山何山清絕處盡簪今日總儒紳山

丁挽輿健如犢海鶴當門長似人三生夢斷石無恙五彩光

生塔有神瑤席池頭伏狼虎老僧原是訥前身

東維子集

張羽道場山詩出郭展清眺超然釋沉憂揚鱸泛澄波曠野

延冥搜水窮始登陸山遠路更幽石林露轍跡千盤到峯頭

林深鳥雀飛泉各爭流憑高縱遐覽下瞰城南樓漠漠江

湖遠蒼蒼雲霧浮上有古浮圖建來幾春秋自經劫火餘僧

散不復卽年來象教興廡殿稍增修思祇冀福田制施如山

邱我將祛所惑戶證力不周臨風一惆悵日暮行歸休

靜居集

又夏夜宿道場山詩山僧結夏獨安禪對客談空石作筵架

上金經傳白業庭前翠柏長青年松廊月冷驚棲鳥石室風

清滴脂泉掘就遠公修淨社共持巾拂所應緣

同上

又九日登道場山同吳逸人賦忽驚九日當今日同在他鄉

望故鄉百里山河天盡處。舊家城郭水中央。唯聞風動聞靈
語。寺裡林疎見佛香。不是避喧來此地。無妨覽勝到斜陽。
又道場。露曉詩城南。山簇金芙蓉。飛標特立青冥中。岩前風
來虎聽法。烟外客至僧鳴鐘。雲嵐乍捲浮初日。臺殿高低耀
金碧。筍輿飛處破竹雲。滿眼清輝弄晴色。同上

徐賁道場山寺詩。景物淒涼異昔年。佛宮草樹暗荒州。千盤
日色峯頭轉。百道泉聲石上懸。覺鳥有時聞客語。慈雲何處
伴僧禪。莫言樓閣成空想。地勝山靈亦變遷。北郭集

又遊道場山詩。路入千岩石磴危。經臺香閣但餘基。僧從離
乳居山少。客爲登臨出寺遲。伏虎已無岩下錫。放魚空有竹
邊池。曾聞至治承平日。簫鼓春風過六時。同上

邱吉道場露曉詩。巖巖高岫壓天根。五夜星河落寺門。上界
樓臺籠海色。下方鐘鼓送朝暾。紅霞一塔仙人掌。綠水三池

王女盆欲迴風飛兩腋笑將白眼照乾坤

兜山志

杜崖道場霽曉詩山色冥濛夜雨中陰雲吹散五更風疎鐘
百八敲殘月翠嶂千重山半空塔影倒涵湖水綠巖光高捲
海霞紅老僧睡起松房裏自把袈裟曬屋東

同上

孫一元至日攜榼登道場山詩瞥眼風塵歲屢遷椒盤柏酒
白醅連半生作計閒爲上到處論交山最賢好句忽成黃葉
寺小舟漫倚白鷗天松聲泉語無人會獨坐岩頭意已傳

太白

山人漫稿

鄭善夫登道場絕頂用孫太初韻峯頭獨立雲霧飛天畔風
回蒼玉扉深林日落豺虎伏橫江浪高舟楫稀舉目中原望
不極側身滄海愁依依峴山雲水秋意動故園幽事行當歸

少谷

集

謝肇淛道場山訪老僧不值詩春盡烟消紫翠重上方雲掩

不聞鐘窗臨雪浪三千頃僧在寒雲第幾重古寺香風吹薜蘿亂山晴色散芙蓉斜照宿鳥催歸去愁對西岩一院松小

齊集

又秋日登道場山詩搖蕩秋風江上亭醉攜雙屐度蒼雲封野樹僧初定露滴寒松鶴未醒天外湖光當檻白杯中峯影隔簾青歸來一片清溪月處處漁歌倚棹聽同上

顧大典登道場山詩石磴恣攀躋風高倚杖藜竹侵新闢徑苔餘舊道遺水寒初落周雲淨欲棲吾家剡樹裏只隔五湖西吳興吳興山

周安道道場山詩逶迤步崇岡奔迫下林麓至止歸雲亭秋花滿山屋修廊聳基階清池開松竹青雲停幽窗白鳥下香木昔聞孫山人茅堂於此築高情屬雲天長嘯響巖谷一瓢常自挂采采東籬菊雲臥二十年遺墳傍榛曲再拜酌尊酒

同謝尚堪續逸氣振素襟清風來肅肅明詩綜

李良年道場山同吳虎文作不識何峯路同攀上界藤竹深

留古剎花底揖歸僧月傍今宵滿山宜我輩登倚闌松栢外

一眺盡吳興秋錦山房集

查慎行道場山詩船迴浦淑淺徑轉村塢小不覺陂陀高騰

身萬松杪城浸藪澤自塔聳雲表浮氣盪一州湖波白渺

渺天長接瑤華日極青未了漸上伏虎關羣峯忽環繞清颺

吹戶牖古殿深且靜脈絡引檻泉浮泓漚池治長廊百餘步

旁入逾幽峭蒼鼠亂別枝投空攫啼鳥巍然翠微閣中敞外

見少野火不到山蒼蔚復誰燎坐令杉桂林蒙茸委蓬蓬飛

燕尋繚聚高樓晴天矯老僧守空庖恐作山中浮軍持乞米

山厭寂喜膠擾我來久徘徊愛此陰風篠春深花澹澹日暮

雲嬾嬾餘暉帶疎鐘詩境墮空谷今一大夢回首失

敬業

王世貞登道場山望何山一翦梅詞小盤興踏道場山坐裏

青山望裏青山漸看紅日欲銜山湖上青山湖底青山一灣

斜抹是何山道是何山又問何山姓何高士住何山除却何

山更有何山介州山人集

何山在縣南十四里亦曰金蓋山晉何楷居此修儒業後為吳興

太守改金蓋為何山太平寰宇記

輿地志山曰有次山曰金日山亦改曰何日山吳興掌故集何山與道場接連為北一支金蓋是南一支汪藻記云東曰道場

內曰何山至蓋同在道場之東南曰不容泥

吳均同柳吳興何山集送劉餘杭詩王孫重離別置酒峯之

巖遙迤川上草參差澗裏薇輕雲初遠岫細雨沐山衣簷端

水禽息窗上野螢飛君隨綠波遠我逐清風歸吳朝諸集

梅堯臣早春遊何山詩泛泛寒溪流縈紆向山去淺石長蒲

非朝霞暖岩樹拾丹當禪扉踏薛汚野屨誰愛飽參軍登臨
多秀句施陸集

蘇舜欽遊雪上何山詩今古何山是勝遊亂峯縈轉繞滄洲
雲含老樹明還滅石礙飛泉咽復流徧嶺烟霞迷俗客一溪
風雨送歸舟自嗟塵土先衰老底事孤僧亦白頭僧浪集

案北詩前志
俱作蘇軾集

王十朋勞農觀山乘興遊何山詩去秋遊道場俯瞰何山路
林泉雖在眼未暇飛杖屨塵埃汨城市遙望隔烟霧春光忽
已半布穀催農務欲作登山行偶逢風伯怒肩輿出城南乘
興訪幽趣山巖佛屋深跡躡陳朝故老松不記年修竹莫知
數鳥鳴說法時花落棲禪處書空何公堂木拱安定臺青山
看未足回首日已暮小溪何處是歸謁坡仙句梅翁集
丁牟黠和馬侯遊何山詩日還吳興居所覽深以問何山在何

許細路穿木末躋攀不憚勞。歷歷見郭郭。嵐堆紫翠正
吾屋角。緬懷安定公。雅合居臺閣。竭從海陵來。姑蘇亦暫注。
湖學得公重。學子有攸託。南園慶歷間。六老曾會酌。當年馬
太守。高誼誰能若。宜卿爲之記。文字誠磊落。厥今同姓侯。傳
寫脫欲脫。昨聞上胡冢。寒色正索寞。樵牧不爲禁。宰樹歎濯
濯。新祠已卜題。華表佇立鶴。神遊倘來下。曠代離塵縛。陵陽集
趙孟頫雪後同子侯遊何山次韻四首。同是清閒客。俱爲放
浪遊。晴山依雪壯。野水帶冰流。風急松杉亂。年登薺麥收。生
涯雖未老。吾欲覓菟裘。步履行危磴。馮闢得妙峯。鳥飛逃
故道人去。想遺蹤。掩冉風前竹。支離澗底松。山僧飯不足。
不
是忘鳴鐘。兵革時猶動。山林日就荒。子眞思隱遁。詹尹卜
行藏。有意隨三飯。無人饋五漿。遠山湖外白。立馬見微茫。
湍駛波翻雪。風生地出雷。薄醪隨意盡。寒氣逼人來。更欲明

朝去何妨迫暮回自憐非李廣醉尉勿相猜

松雪齋集

仇遠何山詩溪轉峯迴一徑平田頭白水照人清寺因何氏
封山姓客把坡詩證地名蘿月常隨行道影杉風猶帶讀書
聲雲津橋下潺湲急僧濯袈裟客濯纓

山村遺集

宇文公諒何山賦環蒼陽之諸山蔚金蓋兮深秀綠靡靡以
旁圍青遙遙而橫袤擅奇勝於覽觀紛應接於左右晉賢何
楷于焉讀書爰守是邦以遊以娛山因之以得姓人已往而
遺居是猶墩之有謝溪之有冉者乎觀其修林蔽日羣峭摩
天表金峯以前拱擁青塢而旁連步錦嶂兮雲麓聆琴筑兮
澗泉是雖地設實出天然靈祇獻瑞梵宇扃禪閣流丹兮鳳
翥瓦浮碧兮鸞聯華鯨鏗以響逸清磬發而聲圓挂元猿於
蘿磴棲白鶴於松烟若乃峯迴路轉繡錯綺綰道場之勝境
實相屬仰徹兮雲峯俯窺兮幽谷羅旛幘兮杳靄韻簷鈴兮

斷續岩花兮紛紅澗草兮駭綠信造化之鍾秀寔吳興之所
獨是則梁則吳柳耒則蘇仙或餞客以成詠或游弔而綴篇
或載於圖經之舊或鑱於金石之堅悉班班而可考名與山
而俱傳惟我文昭倡道湖學振文鐸於東南羅衿佩之森若
若徹琅音於冕旒構環材於榱桷封馬悅於雲根山含輝而
蘊璞至於春秋致祭邦侯蒞止粲文物之洋洋集衣冠之濟
濟黍稷馨香犧牲豐備嚴恭儼恪固敢忽易與餘分胙乃復
留憩或暢情於杯觴或寓意於山水垂遺典於不刊實茲邦
之盛事嗟夫水不在深兮有龍卽靈山不在高兮有賢卽名
憫異端之害正遠遺莽於荒榛賴天道之好還喜家璫之復
青雖廢興之有數由人心之本明雪污辱於既往思搗穴而
犁庭揭體用之昭昭破昏蒙之冥冥庶安定之何麓猶宣尼
之孔林揆愚生之貿貿深有慕乎芳馨讀遺書以私淑每奉

拳而服膺登茲山以聘望增感慨於中心時不可以再得聊

抒意於斯文

成化湖州府志

金蓋山在縣南十五里頂常出雲諺云金蓋戴帽要雨就到農家

以此爲驗

五柱記箋

正烏程縣志形勢盤旋宛同華蓋故名陸羽泉記
山故多雲氣終年如垣日出雲氣漸散惟金蓋獨遲

張羽金蓋出雲詩峩峩金蓋蒼之南中天削出青瑤碧白雲

無心出岩岫頃刻變化隨浮巖四海蒼生苦炎暑從龍飛渡

平湖去閒卻山中屋半間一洗乾坤作甘雨

靜居集

邱吉金蓋出雲詩天上飛來金一蓋浮雲不住起岩阿白衣

蒼狗參差見玉葉金柯變化多冷透秋陰迷鶴夢暖將春雨

出龍窠明朝捧日青霄上不向山中宿薜蘿

晚山志

杜庠金蓋出雲詩忽然成狗又成衣道是無心似有機薜荔

幾重迷翠影瓊瑤一片散青輝天風變化從龍去夜月分明

載鶴歸金蓋太行千里隔一般翹首望親聞同上

軻山烏程南十四里金蓋北出小支金蓋如車而軻附其傍也吳興

掌故

錢山在城南十四里下卽錢山漾從衡山北出爲錢山乾隆湖州府志

黃潛登錢山望菰城詩吳興水爲州諸山若浮萍況此一培

塿瑣屑世未名所欣漁樵居乃與緇錫并種竹有萬竿結茅

無十楹老僧解人意屢屐能相迎芳草被行徑朱藤暗岩扃

蕭條空堦暮日照葦苔青猶嫌所歷卑未極游眺情聳身白

雲上始見春申城想當高會時樓觀飛青冥竭海薦鼎勺窮

山差鼎鑊安知千載後寂寞無人行煌煌冠蓋區攘攘狐兔

聲歸來朱門客聽此松風聲黃文獻公集

衡山一名橫山在縣南十八里兩山夾峙中流北駛爲城南形勝

之地嘉泰吳興志

吳興掌故集金蓋東出過官澤水
爲衡山諸山中惟此山橫列故名

案左傳襄三年楚子重伐吳克鳩茲至於衡山杜預注衡
山在吳興烏程縣南自預有此注後人地志皆因之考到
臨郡國志注云丹陽縣之橫山去鳩茲不遠子重所至也
此說最確顧亭林左傳杜解補正取焉茲故不引傳文

貢奎過雪川橫山詩山迴溪流奔眺自古塵上有百年祠

行者多再拜乾坤秋氣高蕭瑟鳴萬籟青林魑魅號素壁風

雨壞獨憐神明功扶植古木大矧予及凡物朝夜顏色改俯

仰亦有時感慨獨無賴夕雲念羣征舟楫吳楚外雲林集

張羽橫山暮嵐詩橫山山頂風光生翠霧直與山俱橫輕陰

近拂北流水落日半隱鳩茲城一片松風忽吹起反覆陰晴

生眼底揮毫安得米元暉坐對高春寫詩意靜居集

邱吉橫山暮嵐詩山脚橫開野水邊嵐光如靛潑青天谷中

文豹棲春霧雨後神龍臥紫烟楊柳人家青滴滴梧桐山

翠娟娟晚來不送東風散暗笑春光到几筵硯山志

杜庠橫山暮嵐詩直南天際一山橫嵐氣常時入暮生樵路
暝烟迷草色人家返照隔花明谷中隱士尋難見世上良工
畫不成蒼翠莫教風捲散好爲甘雨洗荒城同上

文徵明遊橫山詩蘭橈十里下橫塘脈脈風擦鬢影涼野水
一泓寒玉淨碧山四遠暮雲長行邊黃偃禾棲畝眼底紅酣
樹飽霜飛盡落霞新月上湖光渺渺白蘋香甫田集

吳幹山姑山在縣南三十里宏治湖州府志

平峯山在縣南三十二里同上

費家山在縣南三十六里同上

石頭山裏山在縣南三十八里崇正烏程縣志

東溪茅山南陽山縣南四十里同上

市山縣南四十里菁山市上小山也吳興學政集

白虎山縣南四十五里菁山之南右山也茗紀

菁山在城南四十七里與葛仙山相聯

乾隆湖州府志

張羽菁山石梯閣夜坐詩忽逢晦日驚春盡爲倚高窗到夜分獨鶴夢酣西崦樹老僧定入上方雲泉聲落砌空中辨花氣穿林暗裡聞莫道暫時畱愛賞移家終擬避塵氛

靜居集

王穉登菁山道中四首烟渚八百桑沙田一半秫人攜鹿去來舟載雲出入風急夜防虎月明人捕魚山雲長五色太史近藏書霜寒木葉紅水淺溪痕綠黃髮尸鄉翁駢雞下茅屋耕雲藝竹深條桑賣絲賤四時長食笋千家半衣練

王百穀集

葛仙山縣南五十里有煉丹竈藥曰職方圖志云葛洪煉丹處

天下十有三烏程居其一

萬歷湖州府志

夾山縣西南九里有濠在其間俗名雞籠山

崇正烏程縣志

蕭山與夾山相迤及

同上

下徐山縣西南十三里

同上

敷山縣西南二十里易說卦山東曰敷此在福山東故名同

戴表元敷山記略敷山者西於吳興十餘里山中卷外設水

磬折行平原茂樾間左右之徐山村山夾敷山而踞敷山之

前蒼峭亘連圭起旌伏望而知為美壤也

刻原文集

福山與敷山接唐沈亞之居此

嘉泰吳興志

吳興掌故集
舊名小敷山

楊灣山城西南二十一里

吳興掌故集

期山城西南二十二里在福山迤南其相對者為南期山

同土

九霞山城西南二十四里即羅山前岡與康山南首相及

同上

吳興掌故九霞山余之山房在焉於此修吳興掌故集其右一
坪余之陸孺人葬焉山俱瘠土不堪黍稷余種藥草聊以供日

食而

羅山城西南二十五里與剡山相望尖聳如兩角故名其陰即名

栖賢本一山也

同上

他山縣西南二十二里卽杼山夏王村之羅山過峽中開爲兩南

對數山朔山如蛾眉崇正鳥程縣志

白鹿山縣西南二十四里同上

小剎山縣西南二十五里同上

舌頭山縣西南二十六里同上

華嚴山縣西南二十八里同上

剎山縣西南三十里上有剎山關西卽趙村同上

杼山在縣西南三十里山墟名云夏后杼巡狩之所太平寰宇記

吳興圖經云山高三百五十步周回一千二百步劉魯公集晉張元之
吳興縣志云鳥程有屋名東張地形高爽山阜四周卽此山也其
山勢絕造者志謂本名杼山而西吳
里過杼山西北有吳鳥山亦號杼山

釋清畫杼山上峯和顏使君袁侍御詩道情寄遠岳放

千仞香路延絳騁華采寫金印日敲諸天近雨過三花

客雲外心忘機松中韻靈嘉早晚期爲布東山信杼山志

又春日杼山寄李員外縱詩南山惟與北山鄰古樹
我身黃鶴有心多不住白雲無事獨相親閒持竹錫深看水
嬾繫麻衣出見人欲掇幽芳聊贈遠郎官那賞石門春

同上

寶峯山縣西南三十一里有瀑布

康熙烏程縣志

九乳山在烏程縣西南三十一里山墟名云山有九峯狀如乳

晏

類

黃蘗山在縣西南三十五里

太平寰宇記

崇正烏程縣志山高三丈周六里一百步石柱記箋福建建寧府浦城縣昔為吳興縣亦有黃蘗山宋江淹為吳興令嘗自
以云吳興地在東南諸葛越之舊境其地黃蘗山詩亦云閑雲
連長堤蘗山公幹山碑應淹賦詩事太平寰宇記晏公類要
地紀勝諸書俱仍其舊曰
崇光祿縣江淹賦詩之所

霞霧山縣西南五十里上可見太湖羣山皆在下每有雲霞覆幕

故一名霞幕山上有石屋祖師道場

崇正烏程縣志

太平山縣西南五十一里

同上

響山縣西南六十二里

同上

曹家山縣西南六十三里

同上

金安山縣西南六十五里

同上

吳粲山烏程西南六十六里粲燒田也吳氏於此燒山爲田土民

始有耕山田者

吳興記

康山縣西十二里元時名下吳山山長九里

舊記

棲賢山在縣西二十二里本名西嶠山山有石洞舊傳有僧居此

又曰齊田常之亂管仲之後逃入吳有居此者今山多管姓

湖州府志

吳振纓棲賢看梅詩萬樹惟一色半山堆白雲烏啼村不夜

香遠客先聞近寺松陰合橫枝澗影分誰家修竹裏簾外亦

紛紛顏石齋集

西塞山在縣西二十五里嘉靖浙江通志

在縣西二十五里非也趙次公謂西塞為湖州磯湖鎮道土
壤尤謬蓋磯湖鎮在武昌野客叢書云天下有兩西塞一在書
川一在武昌按書張志和往來蒼苔雪間又志和詞中有西溪
故集云西塞久無定論郡志謂嚴尚書震直鎮在西塞山以郡
城之西言之新志又以南二十五里則與尋山相近經錫堂志
云即郡城南遠山其謂之西塞者下菰城為屯兵之地生西向
東故也家乘記以爲在武昌者因非以爲在蕪湖之問者亦無
所其西塞自應有武官設葬其處其山正仙城西土人
至今日西塞縣志以爲下有桃花塢凡常湖更爲可據耳

皮日休西塞山宿漁家詩白綸巾下髮如絲靜倚楓根坐釣

磯中婦桑林挑葉去小兒沙市賣簑歸雨來蓴菜流船滑春

後鱸魚墮釣肥西塞山前終日客隔波相羨盡依依全唐詩

張雨賦西塞山送趙平文湖州學錄詩往來蒼雪舊山川流

水桃花思杳然溪女浣紗新雨後仙人把釣夕陽邊漁歌未
用朝廷寬惠政先由隱逸傳不信青衫流塵土水晶宮裏住

三年

句曲外史集

張羽西塞晚漁詩西塞山前日欲暮江樹離離起烟霧玄真
仙馭不可攀時聽漁歌隔溪渡潯頭酒賤鰕魚肥紅塵不生

綠蓑衣投竿倚棹看新月猶見雙雙白鷺飛

靜居集

邱吉西塞晚漁詩漁童何處晚鳴榔西塞山前烟水鄉斜日
半川藤笠小綠波千尺繭綸長忘機不道春鋤近濯足偏憐
杜若香閒說子同能泛宅狂夫也合老滄浪

峴山志

杜庠西塞晚漁詩吳興城外太湖邊西塞山前放釣船刺
晒時春雨霽絲綸收處夕陽天溶溶浪桃花漲溪溪

柳葉穿正是鳴榔歸去路一行白鷺下長川

同上

羅辰魚登西塞山訪張志和遺跡詩晚登西塞山

薄諸峯自南來茲嶺獨罕埃拔援上羅磴翠微構蘭若清
懸香林法鼓時聞作雲雨飄若呵護雲臥松間緬懷元真子
雅志甘寂寥雲鴻入冥冥孤飛避矰繳風雨湖上歸浮名
簞簪斯人邈千載高風滿寥廓伊予慕肥遯世故還束縛
境雖盤桓猶未諧宿諾何時返初服於焉此棲託

烏菱山縣西二十五里高五十一丈周三里二百八十四步

崇正
烏程

金斗山縣西三十里梁武帝建妙喜寺於此唐貞觀六年移於村

山

武山在縣西三十里山墟名云昔烏程家族嚴白虎於山下

有山名武山今山上有野臺烽火樓之跡猶存

太平寰宇
記

山在縣西二十五里高三十三丈周三百五十步

康熙烏程縣志

山在縣西二十五里

舊志

山

卷之二 山川

三

仁王山在縣西北九里舊名鳳凰山其首號鳳髻山秦始皇以山

有王氣鑿其頸爲小河

嘉靖浙江通志
卷三烏程縣志在弁山東盡處
窮四百二十丈闊十五里九步

鄒思明登鳳凰山記湖城西北四五里曰鳳凰山秦始皇以
其地龍飛鳳舞有天子氣特命鑿之今分爲嶺山者是也嶺
山一名橋山萬歷三十年孟冬十月泛舟同盧志菴別駕王
槐亭僉憲鄧春寰給諫來登茲山過接山橋行百餘武松徑
成行有門荒蕪有殿傾圮有爐無火而有碑是爲仁王寺又
數武至嶺山復相攜登鳳凰山路峻而窄必後趾俟前趾
乃舉凡六七百武至壘上壘廣二丈許遠顧之則康山嶺山
相望而趨真有龍飛鳳舞之勢

山卽鳳凰南隔水小山山石可以作礪俗名爲礪山

吳興章故集

西吳里蓋吳興南浙南三十里礪中卽礪山也

鮑照自礪山東望震澤詩瀾漫潭洞波合沓崢嶸雲漲島遠不測岡澗近難分幽篁愁暮見思鳥傷夕聞以此藉沉疴棲迹別人羣結言非盡書有念豈敷文

鳳翅山在鳳凰山右旁自此而西卽弁山

吳興章故集

釋清晝同顏使君李侍御登鳳翅山望太湖詩雙峯開鳳翅秀出南湖州地勢抱郊樹山威增郡樓正逢周柱史來會魯諸侯緩步凌彩綺清曉發颼颼披雲得靈境拂石臨芳洲翠遙空碧含風廣澤秋蕭晨資麗思高論驚精修何似鍾山集徵文及惠休并山集

蒼山烏程西北十三里弁山前小山

吳興章故集

其實皆下也山西屬長興縣 石柱記箋

石柱記箋

太平寰宇記郡國志云下和縣王處非也周處風土記云當作冠弁之弁徐陵孝義寺碑云高弁荏苒若成化朝州府志下和取玉今山中有石多似玉故以下名然于有古通用開處之記何足按吳興圖經下山下姓居之吳興雜錄下山坡極非清秋爽月不見其頂望氣者云常有黃紫氣與山下木名上山山足有一石似高義尺陳郡殷康佳開之風出焉其乃止吳會亦地記并山勾處外此嶺銅制不嫌置之生焉唐勾處取提于南村碑之而治焉馬鑾獻于吳山地名下山上更有石雪冬變蛇蛻虎怪獸石柱記下山余并王履乳竇石齊溫泉

葉夢得升山詩山勢如冠帑相看四面同烏程縣門近茗園

水源通白鶴嶺盤峻萬龍洞窅公登臨舒老眼何用到此山

集建康

趙孟頫游弁山詩我欲到斯境歲月良已深今晨爲茲遊酬

我宿昔心悠悠岡坂長慄慄風雲陰微雨迫短日飄然酒衣

襟屢欲還吾駕去意難復任逍遙得所山林竹自蕭森素琴

不須彈山水有清音。遠在樊籠外。塵想何由侵。況懷冥絕理。
去此將焉尋。他山豈不好。聊爾非所欽。
松雪齋集

又重遊升山二首。山郭聞鶯語。穿林散馬蹄。澗松何鬱鬱。春
草自萋萋。白石那堪煮。丹崖倘可梯。平生愛高興。只合此幽
棲。竹色迷行徑。松聲潤座隅。水清花自照。風暖鳥相呼。飲罷
思基局。歌殘缺唾壺。重來滿酒地。聊足慰須臾。
同上

黃玠升山隱興同。文詩萋萋草帶書。窗碧瘦竹經藤引。客看
棲鶴伴雲歸。岫晚斷霞拖雨過。江寒畦分暗水池。亭小石戴
閒花野館殘。西崦松林通徑窅。共君邀月對琴彈。
吳興紀肩
楊維禎詩。升峯七十二。藹蒼開青冥。窮搜最絕頂。龍舌呀岩
罅。高原下絕壁。海眼涵明星。弄龍戲珠玉。殘唾吹魚腥。胡僧
洗石鉢。密呪收風靈。洞庭水如飲。溟淖連滄溟。下觀人間世。
九點烟中青。
錢屋集附

張羽弁山詩吳興富山水弁爲衆峯尊名巖壓南嶺杳渺連
北門岩岫互奇絕溪壑欲崩奔上有千丈瀑飛流駭心驚下
有萬頃湖波瀉蕩其根絕竇類懸成蒼石疑虎蹲神龍下淵
靜幽怪不可論捫蘿上絕頂一覽則平原林深自多風猿鳥
暮喧繁陟險尋靈藥登高問真源問有避秦人遺跡今尙存
我欲探其穴筋力難攀援風抱棲隱志素心懷華崑終當結
茅屋來繼綺與園

解居集

又蒼弁清秋詩青山如龍起西北玉削層崖倚寒碧迢迢爽
氣拂珠簾手板指頤看秋色雲間窈窕落葉黃澗聲不斷松
風長望中翠屏忽點破一行白雁下斜陽

峴山志

邱吉蒼弁清秋詩青山一弁冠南州秀色娟娟照素秋紅樹
似花明鳥道白雲如水浸龍湫僧家鐘鼓東西院仙子簾櫳
十二樓雙屐明朝登絕頂海霞千里望瀛洲

風信齋稿

杜庠著并清秋詩并峯千仞勢幾幾
香浮銀漢月芙蓉影落太湖波
疎林樵徑光絕頂仙壇
爽氣多爲採菊花籬下地誅茅便欲住岩阿

見山志

王寵望下山懷劉元瑞詩落日賦招隱懷哉劉伯倫下山雲
不斷蒼水色相新鶴鶴謂真賞瑤華贈美人樵風吹未穩空

隔武林

雅宜集

閔珪遊弁山詩弁峯蒼翠控三州巨浸汪洋潄百流誰道山
中無片玉也知湖上有扁舟松壇鶴去春雲暝石甕龍歸宿
雨收自是故鄉佳勝境登臨還憶壯年否

莊懿公集

李良年望下山書懷詩步出城東門不憚道路賒天桃與
李寒食各已盡南無孺子廟蕙草被寒沙彼美世所稀逝者
一何多我有瓊琚佩流光絕纖瑕誰爲同心人惠我以木瓜
延佇不可逝慨然嗟歲華

秋錦山房集

又下山何青青浮雲忽來踰造化有舒卷達人辨斯須彈我
膝上琴山水聊自娛聽者盈林間誰解官商疏灼灼辛夷花
阿儼當城隅回轅以相從中道增踟躕生芻不盈束何以飯

白駒同上

王母山在南一支從圓證寺東發出迤長者是也

吳興寧故集

下山下山南平地發起

同上

白龍山在干山南盡處前臨茗水

同上

法華山縣西北十八里東有石焉

萬歷湖州府志

吳里語有石干山者自無夫得前達一枝類題有石干一
字石根不壞花自出山南有鳥亭王羲之嘗
遊處每謂親友曰石干山之後誰知我於此遊
案寰宇記干山在干山南見疑誤人此

及義之舉亦不遠也

蘇軾與胡祠部游法華山詩陂湖欲盡山為界始見寒泉落
高派遣人未放泉出山曲折虛堂瀉清快使君年老尚兒戲

綠棹紅船舞澎湃一笑翻杯水濺裙餘歡濯足波生隘長松
攬天龍起立蒼藤倒谷雪崩壤仰穿蒙密得清曠一覽震澤
吁可怪誰云四萬八千頃渺渺東盡日所矚歸途十里盡風
荷清唱一聲聞露薤嗟予少小慕其隱白髮青衫天所桡忽
逢佳士與名山何異枯楊便馬疥君猶驚鶴偶飄墮六翮如
雲豈長銀不將新句紀茲遊恐負山中清淨債

東坡居士集

吳綺法華山詩吳興清遠區西北宮邱路長松列崇岡十里
送若綺香爲化人賦幽奇虎頭作策杖赴若阿蒼烟滴叢薄
亭影落遙空湖雲滃寥廓下泛九曲池泉香流羽酌水底漾
仙螺枝間宿靈雀徘徊不可極爽然達吾樂

林意堂集

柯煜法華山詩不知造物有意無高高下下分山河尤工建
勢岌飛動豈與葦巨手規模涼風吹人雙袂舉若胸決背形
神舒孤亭安穩寄木末遠峯縹緲橫天隅山中古寺閱千載

金繩覺路開迷途游人抵掌說靈跡地上湧出青芙蓉人生
五欲因纏縛撥火宅團羣愚三車方便亦假設大乘直可
歸真如何爲中道者知見化城指點猶遮廬咄哉魚渴浪奔
走窮子忘卻衣中珠大雲釀雨澤萬物欣欣藥樹紛扶疎由
來長養自區別上天嘉澍同洒濡琅琅至人真實語說法固
與尋常殊優曇鉢花時一現十方瞻仰天人趨吾登茲山發
源省佛陀三昧炯不誣眼前三萬六千頃冷然入口成醍醐
石城無所

溫山烏程西北二十里吳興記出御薺薺卽茶也茶譜謂初生曰
茶旣長曰薺烏程自來無上供之茶或御字誤

吳興掌故集

亭子山烏程西北二十五里

同上

白鶴山在烏程西北與長興接界昔鄉人姚紵化白鶴遊此因
山石精好可爲碑版江東記云員邱山石精好不謝吳興

此也 西吳畢節

楊維禎晚眺白鶴山詩小姬能執青絲鞵小弁山前行落暉
項氏臺空無戲馬羊公石在孰沾衣丹砂古井黃蛇走赤葉
空林白鶴飛一笑難逢三粲在千金不惜主人揮 東維子集

雙姑山在縣西北二十七里 成化湖州府志

墓山縣西北三十里 同上

戚家山縣西北三十五里 同上

盤山一名隆山在城北五里鳳凰山東麓出脉里許平壤間突起
二阜 吳興堂故

南石山鳥程北十三里 同上

北石山鳥程北十六里 同上

魚山鳥程北十七里下山迤東發至湖邊獨此山有氣泡如魚鱗

山形亦類游魚過此則爲黃龍洞 同前

玲瓏山在下山之陰嵌空奇峻略似錢塘之南屏及靈隱廬林有洞曰歸雲張有謙仲篆書於石上有石泉澗三尺許橫繞兩石間名定心石傍有唐杜牧題云前湖州刺史杜牧大中五年八月八日來及紹興癸卯葛魯卿林彥振刻無言其彥平葉少蘊題名

癸辛雜識

鄭明選遊玲瓏山記嘗覽吳興掌故集下之陰有玲瓏山者略如錢塘南屏翳隱之勝杜牧之張有皆題字石上庚子九月九日駕舟出臨湖門抵姚灣艤舟而陸約山行二里許輿人失道遇樵者引而前乃得至懸崖削成屹然壁立旁有石洞沈泉出潄水碧色如染淙淙盤紆而下有青蛇綠龜伏於洞口是東洞也復西行半里許有洞在亂石中天雨則四水交注伏流山底至於東洞與泉水併出蓋其山多骨而下穴如腹云

鄭侯升集

章良能玲瓏山詩短鋸長鑊出萬峯鑿開混沌作玲瓏市朝
可是無熾嶮更向山林巧用工癸辛雜識

沈與求游玲瓏山因訪朱氏草堂詩平生邱壑心餘事不掛
杖藜杖南山來要使富幽獨異哉小玲瓏蟠峙蒼弁腹修藤
結懸崖飛溜響空曲伏石臥虎狀騰拏雜奔鹿呀然互吞吐
側路劣容足拂拭古蘇紋字刻翳新綠標榜玲瓏名奇怪殆
天爲捫蘿上絕頂坦坦類平陸俯首瞰來踪穹然在幽谷傳
聞昔逋客誅茅此營屋清覓不可招千載想遺躅我思造物
巧妙供游人錄揮金役山祇斷此一拳玉雲窗與霧閣一一
相立俯豈無部曲衆猿鳥卽更僕豈無節旄貴松檜自張難
此事久棄置蛛絲網岩麓翩翩佳公子心古韻不俗駕言脫
華簪茲焉卜幽築終日面巔岼世故豈容觸指點空洞姿喜
氣政堪掬挾策校青遊健步念須臾亦有招隱詩薄暮不可

讀龜溪集

又次韻曾守懷玲瓏山詩
泉石有膏肓料理費和緩
風埃客子遊夢想略相半
端如鑿半路投七念鄉
餒懷哉小玲瓏舊賞記
酣宴玉女下雲窗輕我
年未冠誅茅老三閭此
意已懸斷少須草堂資
兩足那可絆謝公愛東
山自結尋幽伴詩筒忽
相先紙價豈容賤流傳
從使君感此歸思節
擢蘭辭危根漱石僧長
酬野性等麋鹿百嗜寧
食薦攬衣中夜興渴
渴疾流盼迴步愧驚
筋力飛傷短絃正使
疑齒折未敢言何難
詩節脫復徂蓬萊空浩
歎何當期下澤去路
幾交臂黃玠游玲瓏
洞詩放出清苦鳴
鶴聲了牙歷歷
寫勝經行行入幽
遐玲瓏洞穴古
疑有仙人家清
風石上起吹
老長松花下
山小隱吟錄

裴玲瓏去玲瓏山近三里許近沈氏挾別爲之大率此山十餘里

寶壽石也 癸辛雜識

龍成大游石林紀勝云：有兩玲瓏山石林爲大玲瓏，又有小玲瓏，在長興縣界。終日尤勝。今屬沈氏。此山石色微黃而更奇古。一邱悉空中洞穴，千數皆旁相通貫，故名玲瓏。泉聲瀉壑，磴中窈如深谷。堂前小池，石如牛馬虺，墮其中。池後山屏上洗出之石，幾積成岩，巧怪萬狀，鱗隙清泉，淅淅叢桂覆其上。亭館既無人，居亦漸荒廢。雪川特無好事，能捐厚貲，買之沈氏，雖不得仙，亦足以豪矣。癸辛雜識

又自石林迴過小玲瓏，詩一邱乃中虛洞穴，四無礙卻。略過岫脊，黝糾石狀怪蒼牛，飲前池碧鱗，澗微瀨，雕鏤具百巧。畫窘千態，哀滿瀉壑。登凍雨濕空翠，疎梅照草棘，瘦竹拔巖隙。遂當時問閭子，目力在塵外。孤童藐難料，奇事疑有待。誰歟千金，捐來換把茅。蓋不仙亦足豪，衆垤皆累塊。我評北山游。

勝絕此無對玲瓏詎見小孰能爲之大同上

西陵山在縣北二十一里吳太子和葬烏程北山子皓卽作追尊

文皇帝陵曰明陵陵在山西故名吳興記

太平寰宇記卽弁山之別嶺也

小雷山在城北三十八里太湖中去岸二十里與江南吳縣分界

乾隆志

卽國志吳郡震澤有小雷山修五湖賦大雷小雷瀟波相逐

震澤編大雷小雷兩山相對而不相見卽有風雷之異太湖志大雷在洞庭山西北小雷在洞庭山西南兩山相去六十里

石往記長興夾浦之東三里卽大雷山長興分界烏程大錢之北二十里卽小雷山烏程分界俱在

毘山在縣東北山海經云浮玉之山東望諸毘郭注云諸毘水名

也按浮玉山在安吉言東望涇浦槎牙相毘並注於太湖因名

之太平寰宇記

西吳里趙希真經云浮玉在西南毘山在東北與山海經協理不知此山耳林蕙堂集毘山在城北五里山不因他山而出者

謂之是吳興故縣當城北水入太湖突然獨峙吳興之亦口也

黃潛重遊毘山詩十載重來思惘然勝遊邂逅一開顏高林

有色烟雲淨曲徑無香草樹閑漫遣金尊催白日絕憐紅粉

浣青山南朝舊跡今誰詆腸斷風流不可尋日損齋稿

戴山烏程東北十八里譙郡戴顒游居三吳衣冠之士與游者隨

其所至築空居之太守張邵素與之善為築於此因名焉吳興集

集

東縣烏程縣志山北望其區多石無草木下有明義庵今廢上有浮屠

案西洲里語勢志俱作戴逵誤考晉書逵本傳未嘗居

而宋書載顒傳云出居吳興士人共為築室又云云云

顒則字叔高云是也張來儀詩失之

楊維禎登戴山望太湖詩大戴先生讀書處削峯平地割蓬

邱窪尊仙酒醉東老山居古篆題滄洲東庭西庭月色白大

雷小雷雲氣清冽然長嘯下山去阿施共載鴟夷舟東維子集

張羽戴山詩譙國有高士寄志在絲琴一聞王門名破琴絕
其音傳昔居斯山井竈邈難尋至今草木間清風肅虛襟予
家依古跡結屋當東林擇里得所安懷賢思難任浮屠巧眩
世廟廊冠其學臺殿紛青紅僅足供登臨誰能構茅宇蘋藻
薦所欽相望孺子祠千古同此心

龍居集

徐賁登戴山詩平田渺空曠孤岡忽高嶺新松蔭其巔白石
繚其趾初登若斬絕稍上乃如砥巖風蕩高寒微月中谷起
亭亭日暮側蕭蕭征鴻唳南指天日雲北覽其區水北來局
輻輳游邀喜茲始同心良可歡言得佳士非惟外累遺沉
憂亦成矣薄暮聊旋歸餘興會爾此

北郭集

孫一元同凌時東飲戴山六石上論戴酒問山寺尋幽過遠
林殘霞依水淨新月隱杯深坐久頻移不歌長得賞心青
原自好歸棹有高吟

太白山人漫稿

山在城東七里明初徐賁居此爾雅稱山云獨者獨也茲山

立因名

考紀

湯山縣東十里

海歷湖州府志

西余山在縣東十八里輿地志云漢文帝封東海王持之子期視
爲領余侯至縣坐酎金失國卽此地也

太平寰宇記

案正島程縣志高三十丈周二里一百二十步又名長山

案此山諸書俱作縣東十八里今新府志改城東十二里又勞志西余山及巖山分見似非一山縣志本字誤集合之

徐賁步至西余山有詠翫游寡閒侶獨步思彌清迤邐適茲

山於時蒞新晴雲容啓朝薨林采煥春榮煖屋方卉集陽陔

纖芽萌鳥逝何杳渺泉注每縱橫意會乃成坐興盡還復行

此身在貧賤庶少俗務繁緬懷龐臺子仰冀安期生非徒逐

猥跡永締烟霞盟

北郭集

別鮮山在縣東十三里孤秀不相連屬因名焉爾雅曰小山別大

山鮮郭注云不相聯也唐高士沈聘沈徵居之成化湖州府志

名桂記箋說志異山一名烏山舊編云古烏山氏所居今縣東八里有烏山一名別鮮山予嘗讀書烏山經其巔望西余山下

有小山曰相屬及至其處又相去里許則別鮮山巔仰西余而

非烏山也至問烏山何以名土人曰烏山氏所居山上有烏亭

則梁吳均同柳吳興烏亭集詩蓋即此山而非別鮮山也

書音有別鮮山前不云即烏山今鄒氏以此後諸書因之又諸

冥四山烏程東十七里在冥四圩俗因名之又名餘山吳興集故

昇山在縣東二十一里一名烏山一名歐餘山一名歐亭山吳均

入東記云王羲之為守管遊踐因昇此顧謂賓客曰百年之後

誰知王逸少與諸卿遊此乎因有昇山之號太平寰宇記

谷杜記箋晉書羲之未傳前未有吳興太守之文吳興名

湖諸公紛紛奏乞以為領事凡典郡者史必大書詩序何

逸少而執之又羲之為領事內史去郡與東二

人士盡山水之遊則來游踐此山亦未可知

張羽昇山詩昇山橫道旁秀色佳有餘雖微千仞岡層巒自
縈紆右軍晉高士會此眺郊墟苦徑存遺跡千載沒荒蕪想
當登臨日俯仰凌八區放浪形骸外游目多所娛惜無登高
作儼彼蘭亭書我思見其人臨風一踟躕

薛居集

孫一元晚晴獨眺昇山絕頂詩石磴天風笑語清捫蘿直上
思猶輕斷虹收雨青山出白鳥弄波斜日明跡學漁樵成久
業身隨麋鹿長高情兵戈滿眼真何意只漫蓬蒿過一生

山人

儒山在縣東十八里後漢徐孺子哭友人冀州刺史姚元起於此

嘉興吳

徐孺子人吳嘗登之因名

張羽飛舟獨山懷徐孺子詩登山懷古重徘徊試薦山泉當
酒杯此地不聞懸榻待當時應弔東芻來鶴棲壞棟殘僧散

風動寒燈古殿開千載南州寥落甚獨尋遺迹繞蒼苔靜居

王淮游孺山詩憑高發遠眺天濶野雲閒左水復右水前山

又後山沙頭烟樹綠石面雨苔斑坐到遙林暮寒鴉幾點還

吳興藝文補

妙高峯在城西樓賢山最高處乾隆湖州府志

玉樓峯在城北弁山同上

繫嶺在峴山西崦同上

雞塞嶺在儒學東南二十步雖無山形而土墳起蓋山脈也有石

如伏鷄崇正鳥經址建真武閣歲久闕壞乾隆八年尼僧慈雲募化重建

楓樹嶺縣西南二十七里羅山之西名朱塢即仙頂寺後諶郊過

脈處同上

司馬嶺縣西南三十五里名紀

雲岩嶺縣西南五十里同上

領縣西北十八里 宏治湖廣志

領縣北二十二里 同上

人頂在棲賢山又有分金嶺 西吳縣志

伏虎岩在道場山 乾隆湖州府志

楊樹陶在城西南四十五里自村山而上十里許路若羊腸 同上

石屋洞在城西南妙喜市 同上

黃龍洞在北去城廿里枕太湖怪石林立中有一石最尊上大其

小危立如壁自石上湧起輕撼則動稍加力排輒不動洞旁

壁立千仞俯瞰不見底投以石不應聲呼則答深宵不測每歲

旱鄉民禱之山谷書黃龍洞三字刻翁存 輟耕錄

嘉泰輿地志云弁山在弁山東麓梁貞明初有黃龍見易曰黃龍

洞者地金其洞福地名山之一林屋之別門也西吳聖隱居人

于雲氣中每見頭角宋真宗金牌

在焉傍有金井纔數尺而泉不竭
慎蒙游黃龍洞記萬歷二年三月出北門至弁山行二里許

山麓仰視則諸石巍然獨隆至洞口洞南一石卓立如人形
又一石北向偃倭而雄踞背刻黃龍洞三大字筆畫遒勁自
右遶而東皆巨石如人力壘成而皆有隙縫可通一線洞北
有石壁方面大高可數仞南一石略加粘連其勢若欲飛墮
者石上草木森然不知何所托而生也石壁下一石聯屬橫
生突出如佛座下有門北向方而整伺之不知其底其石之
植立於洞內者稜角分明狀如鋸板又一石形圓似竹僅得
其半若受斧鑿四周皆有階級可攀緣而下巉岩剝削奇麗
異常曾有人緣絙而下計二十五丈始至底底石皆五色成
文南有一小洞洞口以泥封墮之有聲如吼俗傳有龍潛伏
且通太湖名爲龍宮不誣也

吳興藝文補

蘇軾黃龍洞新晴詩吳興連月雨釜甑生魚蛙往問弁山龍
局不安厥家相三上巉絕俯視驚一呀神井湧雲霧

薜花交深百道泉。梵谷走靈蛇。不知落何處。隱隱如縑耳。我
來扣石。下飛鼠。翻白雲。寄語洞中龍。睡臥豈不佳。雨師少弭
節。雷師亦停轡。積水得及壺。雷苗出泥沙。農夫免菜石。龍亦
飽豚。獵看君擁黃紉。高臥放曉衙。東坡居士集

孫覺遊黃龍洞詩。側徑縈紆入杳冥。神鑿鬼鑿露岩。扁天懸
乳石。跌華蓋。壁隱莓苔。翡翠屏。九道寒江雲外白。一池陽井
雪中青。還同康樂登臨海。可共羊何筆不停。吳興藝文補

釋道潛次韻孫莘老游黃龍洞詩。瞳眈杲日破林垓。笑語相
將馬暫停。路與猿猴爭險磴。身隨鴻鶴入青冥。巉巖曲穴疑
無底。蟠屈蒼虬信有靈。能使謝公詩意動。宛如游刃發新硎。

集

秦觀和孫莘老黃龍洞詩。葦蕭傳火度冥冥。乍入清都醉鬼
龍。草隱月華垂鳳尾。風生陰穴帶龍腥。壁間泉貯千鍾碧。門

外天橫數尺青更欲支筇畱頃刻卻疑胡市已千齡

淮海集

黃玠與韓介石聞人梅磻游黃龍洞詩龍君所幽潛嵌空若

智井投石風轉雷股栗怯深迴僮奴誇捷足嘯呼已疾走升

高只自危聊復罷吾興

弁山小隱吟錄

又龍洞詩旱日赤如火黃龍呼不應搖石動雲氣聽松作雨

聲悵望但空歸何以慰深情

同上

趙孟頫黃龍洞詩弁山與鄰九成自姑蘇來吳興僧可

傳邀游弁山之黃龍洞時有紫霞同席分韻得花字盤屈度

確礧欽岑復谿龍居潛石洞花暖護蜂衙峭壁生蒼蘚清

泉走赤砂松澗響雲壑竹翠滴桃花杖屨丹梯險藍雲蒼磴

遮攀藤嘯猿狖並草臥巖窟絕頂翠筵澤潏溟想女媧鍊天

連島嶼遠水接蒹葭道士來邀坐仙童爲煮茶林深多虎跡

地僻少人家對景詩情逸尋芝道氣遐窗幽塵不到境勝興

無涯堪種茅山木宜栽邵圃瓜
寶書傳正法靈剎挂青蛇
滑崎尤峻苔荒突又窪
淙流暗礧聒時鳴蛙下嶺口欲
落登舟路更賒
平田飛白鷺別墅宿歸鴉
犬吠柴門近鵝啼
野樹斜榮畦黃撲欵麥壘碧交加
老態倦跋涉衰形獨歎嗟
山翁荷鋤鉤村婦倚蘿笆
駐舫攜紅袖停杯挾紫霞
金爐薰鴛鴦玉手弄琵琶
錯落傾香醲玻璃插艷葩
歌姬聲縹緲醉客笑喧譁
擊柝城將閉吹笳鼓尙撾
卷簾風滅燭濕幔雨垂
麻今日雖云樂他年還共誇
更聞歸去速燈影照籠紗
蘇集郊館遊弁山黃龍洞簡趙仲光詩
石洞陰陰海氣寒絕崖下尺落奔湍白
翻飛燕空中見黑入潛蛟地底蟠
陟險未窮饒蠅屐放形自笑一儒冠
十年來往青山路依舊黃塵沒馬鞍

集

張羽遊黃龍洞詩石路少人行山深草樹平
寺荒餘舊額龍

去只空名深洞通雲氣飛泉作雨聲素懷棲遁志到此遂幽

清靜居集

又龍洞雲歸詩卞岡東走臨具區靈牝下接龍伯居常時出
雲作霖雨每爲下土蘇焦枯收斂神功反林壑往往雲端見
笙鶴掃除腥霧清風來知是龍君下寥廓

同上

邱吉龍洞雲歸詩神物藏來得地陶盡呼雲氣入靈湫千羣
鐵騎從空下一道春波逐磻流樓閣虛無夢竭夜湖山縹緲
洞庭秋隨人變化無人識直待甘霖徧九州

杜庠龍洞雲歸詩古洞深寒物有靈歸雲一片墮空青天低
樹杪晴陰合風過巖前水氣肱收斂一團還有跡縱橫千變
本無形水晶簾步頻遮斷不見芙蓉翡翠屏

徐獻忠谷使君招同唐一菴游黃龍洞詩湖濱烟嶂入青冥
東望空濛是洞庭蒼兎盡蹲林有跡毒龍潛伏草還腥磨崖

尙有雷題字投簡曾聞乞雨露不似青蓮邱壑佳片言誰定

九華名

吳興藝文補

屠隆春日登黃龍洞絕頂望太湖歌天風吹上黃龍頂古洞
谿猗極深迥知有神龍那敢窺千尺何緣下修緇谷響震崖
崖若崩嘯語觸龍龍欲醒青松夾道日蒼涼白露浮空氣溟
滓路懸危石嵌朱宮花發幽香徧蒼嶺登高望遠曠無垠一
日太湖三萬頃東南巨浸惟此湖排雲列嶂開畫圖勢敵滄
海不肯下量包百川來委輸粃片片揚帆席芥子茫茫泛
舳艫有時長風捲島嶼有時空水澄菰蒲馮夷擊鼓魚龍舞
神女吹笙雁鶩呼四百八寺盡吞吐七十二峯疑有無洞庭
包山鑾幡結林屋華陽通孔穴吳官行樂豪華過越艦陳兵
圖霸歇田父耕收土蝕釵漁人網取砂銷鐵獨有一舸浮鴟
夷高風至今名不滅臨流浩歎今昔非磨盡英雄何處歸輕

帆柔榜頻相續，利舫名舫去若飛。誰解閒游烟水闊，桃花正紅。鯁正肥。風起晚投落雁浦。月明夜泊釣魚磯。毛公壇在餘靈氣。龍威洞深禹書祝。多少仙人住洞天。何限丹經藏福地。我將親叩大茅君。一啟金箱玉笈文。同上

韓純王游黃龍洞。望太湖詩。登山水始白。映水山更青。山水相照耀。萬象無遁形。遙天覆笠澤。遠岫浮洞庭。羣峯七十二。散布如漂萍。遊雲變湖影。長風吹溲冷。中多萬斛舟。揚帆無時停。東流趨瀚渤。北望窺支硎。直欲傲廣漠。豈止欺濁溼。崖端冠危石。崔嵬復瓏璚。混沌不自惜。穿盤疑五丁。險怪駭神鬼。鬱積生雷霆。深淵開絕頂。習坎類井陘。井收原勿慕。天闕終未扁。神龍在其下。屈伏猶蝦蟇。潛雖勿當用。時或肯效靈。春秋虔祀典。歆享惟德馨。遺黎苦旱魃。好雨亦旣零。吾來恣憑眺。徒倚觀翠屏。漁歌和樵唱。風磴連雲汀。時見莓苔際。古

人參勒銘無堂笑伯益失載山海經

明詩綜

洞在下山之陽一名玉虛洞

乾隆湖州府志

鄭明選異龍龍洞郡志不載莫詳所由又無搜奇剔怪之士登陟吟賦於其間故其名不顯仲夏月日予適客往焉至則道路荒蕪不治乃剪榛雜草辟涂而入見青石巉嶮巧醜錯出珪者璧者羅刹者象鼻者牛首馬頰者虎豹牙者列於洞外其洞後庳前軒如夏屋之半寬可肆數十筵其石都下懸如綴土產石鍾乳潤白如蜃灰其右隅一小竇中黝然以黑又一洞也人莫敢入視外洞廣倍之深不可測聞有肅肅振羽聲疑爲飛生也

鄭侯升集

沈家避洞在下山東麓有二竅深不可測入者以燭行二里許卽返洞中有泉滴下懸厓紺壁亦奇觀也

西吳里語

許德彰游避洞詩餘鈔一壑貫中峯不費天丁斧鑿功未信

武陵隨澗入直疑禹穴與天通蒼龍穩臥春無雨石燕爭飛
夜有風岩底倘逢騾迹在便於此地覓張公

潛齋集

瑪瑙坡在峴山麓建亭西以石紋如瑪瑙故名稍南有高座石

乾隆湖
州府志

盤陀石在峴山放生池側石勢平坦可坐百人以上有奇樹壽藤扶

疎蒼鬱張容卿題曰小盤陀

同上

七賢石在何山寺中寺僧移湖石於此狀如石丈故名

茗紀

釋清晝七賢石詩七石配七賢隱僧山上移石性殊磊落君

子又高奇敗禪服宜壞坐客冠可陵夜倚月樹影晝傾風竹

枝售質思追琢表頑用磷緇佚火玉亦譬塊然長在茲

杉山
集

磨箭石在昇山西南半山間

茗紀

太湖在城北西北與長興縣接境東北與江南吳縣接境東與江

南震澤縣接境

乾隆湖州府志

絕書太湖三萬六千頃其千頃為程也石柱記太湖周四萬八千頃名勝志太湖雖環繞江南以之各州獨吳興川濱太湖南過雲溪石柱記太湖去烏程止十八里嘉靖浙江通志太湖南過雲溪而北五里至太湖名雲諸水散出七十二溪東奔海而不及則停蓄于湖道三江以入海郎瑛七修類稿太湖之名不一禹貢曰震澤周官職方曰五湖爾雅曰具區國語曰太湖吳越春秋曰笠澤

碧浪湖一名峴山漾在城南羣山四布諸水滙聚嵐光林影掩映

上下雖杭之西湖不能過中有浮玉山怪石礪礪出於蒲葦之

中入郡第一景也西吳里語

此亭西州府志宋葉適詩無限清波多自分有情碧落鴈偏聚元倪瓚詩為謀葦蕩然通地好無俗氣而碧落則湖又名碧落道正類詩玉湖之水清且明中有一石名之曰山張雨詩南風吹送玉湖口舟子欲持玉湖石以歸蔡子離識載倪氏玉湖石敗浮玉山碧浪湖今已為名則玉湖之名又或因圖而始

華幼武游碧浪湖簡沈高士詩浮玉山邊夕繫舟菰蒲蕭瑟

動新秋碧天萬里轉銀漢明月一輪當柁樓每愧塵勞成白

首喜從仙御作清游酒杯未落南風起又掛歸帆託願流黃楊

集

張雨經碧浪湖懷吳興公詩湖水秋空玉色勻
蒹葭殘雨上綸巾
重來半峴誰沾淚
仰顧龍門不見人
獨放酒船尋鱸具
誰容狂客吐車茵
西風白羽元非用
只爲人間善障塵

外史

沈夢麟碧浪湖詩揚舠出南郭迎風碧浪生
白鷗鏡中度青山溪上樹
煩抱頓消散鄙吝無由萌
細懷孫令尹結交有真情

花露集

張羽碧浪湖詩整棹出崇塘
平郊眺清迥山表四圍明
湖明落天鏡蒼茫沙鳥逝
蕩漾漁舟競洲渚莽迴復
蒲荷交隱映中有浮玉山
坡陀泛清瑩已無蛟鯨患
自悅魚鳥性芳春士女繁
落日簫鼓盛蓮棹晚同游
蘭舟晚相並何慚稽山秀
未數鑑湖淨願蒙一曲賜
將老樵幽興

靜庵集

又南湖雨意詩老龍嘯烟過南浦阿香上天震天鼓浮玉山
前雨脚來碧浪湖中浪花翻菰蒲深處釣魚船不怕桃花水
拍天收綸穩繫綠楊下開筵相對白鷗眠同上

邱吉南湖雨意詩乍見朝霞散海紅春陰又在玉湖中鷗邊
白舞馬夷浪龍背腥虓少女風天鼓有聲山栗烈雲旗無影
樹空濛西時昨日甘霖是雨後南山有斷虹峴山志

杜庠南湖雨意詩南湖湖上浪生花黯黯浮雲直又斜隔岸
風聲落葉前村雨脚聲如麻僧持傘蓋歸山寺漁卷綸竿
上釣船天意也應憐早極要分甘澤到田家同上

徐賁碧浪湖詩逸客泛流槎開尊對渚沙苧袍沾杏雨蘭棹
撥蘋花積水添湖滿迺山抱郭斜閒情遂幽賞聊用荅年華

北郭集

文徵明秋夜泛碧浪湖詩炯斂依依樹鷗飛漠漠田短簫吹

夜月高興落江天遠火搖輕浪跳魚驚過船良辰不易得吾

敢卜明年

甫田集

皇甫汈詠碧浪湖舟詩桂爲棹兮蘭爲舟揚棹歌兮泛中流
滄波興兮碧雲合佳人不來兮心夷猶冥冥商川待汝濟追
追天漢從君游攬春芳兮屢歇眇秋水分含愁

皇甫司勳集

吳文企汎舟碧浪湖詩二首紺塔高懸山寺蘭舟不遠人家
截山村庄兒女折來楊柳桃花小棹白蘋洲渡輕帆碧浪湖
風歸到郡城春望湖山盡在樓中

吳興藝文補

陳允升碧浪湖詩城外烟波浸碧天城頭烟火萬家連中流
塔影浮寒玉兩岸風光入畫船一片松雲歸獨鶴千秋俎豆
列三賢由來問俗多淳朴不似西湖競管弦

明詩綜

毛奇齡泛碧浪湖詩曉日青絲竿春風碧浪湖野塘和宿燕
淺水漾新蒲鄰舫歌來幾前溪人姓盧那堪臨泛去懷石

踟躕西河合集

李良年碧浪湖詩長日江村好風景自呼隣更放春船飄雲

野水白相映細柳新蒲青可憐晚去星河生客夢舊游臺榭

渺寒烟紅妝剩有當壚者且醉烏程市上眠

秋鄉山房集

七常湖縣西二十七里

成化湖州府志

大錢湖縣北十八里係太湖之衝

崇正烏程縣志

其蒲漾縣治東南苦水入定安門旁流迤東所匯之水雖小而清

澈可愛

同上

衡山漾在城南十八里衡山下四水合流至此一聚皎然詩衡山

渡口花如散是也

乾隆湖州府志

夾山漾在城西南九里環湖皆山合郭西澹諸水注百名橋入碧

浪湖

同上

杜濬游夾山漾詩山塢謝華賢放舸理長嘯烟岫映澄波始

知所歷妙林壑羅秋姿紫翠冒寒照蘋汀欲爲雪楓岸忽如
燒目逐絕境往意慙佳處要層峯何媚媚灣環亦窈窕泛漾
疑江湖回帆復難爲面面見道場一一起馮弔尋幽不覺遲
歸晚顧而笑石門免見訶登樓感同調

茶村集

施閏章夾山漾詩礪阿經峴首窈窕窮湖甸穿蒲盪層雲望
山成九面激灝游將窮孤光開匹練和風衣帶緩擊汰水波
濺輕橈蔓蒲葦欲側信迴轉日晚巖更青洲長樹逾蒨松篁
交晻霭林屋時隱現翠芳與屢延怕目輒難過當爲汗漫遊
枕漱從所便

愚山集

查慎行雨中放舟夾山漾二首過盡迴溪十里長孤城回首
漸微茫風腥曉氣魚蝦餘水滅秋痕雁鷺鄉菱菱欲牽絲已
脆荷花雖敗葉猶香船頭忽指前游處白塔紅亭認道場野
水天光入望奇融成一片綠琉璃展開手卷王摩詰收拾才

情杜牧詩畢竟清游宜寂寞尤難好景是迷離桃花莫被漁

翁悞秋在斜風細雨時敬業堂集

草蕩漾縣西南十里康熙烏程縣志

西風漾縣西十四都漚棲賢康山諸水同上

吳山漾縣西北二十一里同上

大苞漾小苞漾俱在縣東北十五里宏治湖州府志

毘山漾臨湖門外二里一水自城來一水自鎖茗橋來一水自三

里橋來萃合山下收入太湖崇正烏程縣志

上湖漾西湖漾俱在城東官塘北所以渚水者同上

娜兒漾西余山漾並在縣東十八里咸化湖州府志

張羽舟過西余漾詩扁舟泛長溪遙川曠清曙微雨夜來晴

千山亂秋樹田舍藹孤烟菰蒲隱洲嶼縈紆水流澤綿延稼

盈墅賞心與誰同時物欣相遇且復駐歸程悠然散幽慮靜居

葉

諸墓漾縣東二十八里

舊歷湖州府志

青墩漾城東三十五里

乾隆湖州府志

謝村漾城東南四十里

同上

霅溪在縣東南一里凡四水合為一溪自浮玉山曰茗溪自銅峴

山曰前溪自天目山曰餘不溪自德清縣前北流至興國寺前

曰霅溪東北流四十里合太湖顧長生三吳土地記云霅溪水

至深徐陵孝義寺碑云清霅漸深窮地根按字書云霅者四

水激射之聲也

太平寰宇記

嘉泰吳興志唐顧雲水家流之聲霅霅然徐仲謀詩四水交流

言霅聲狀世亦謂霅溪深極地低清門派交流激射聲李直芳

白蘋洲記五溪發流而導其氣說者謂四水并霅水而五也郊

散浮玉亭記霅水合四水明門水為霅有自來矣與地無二

清源門入曰茗溪其流濁自定安門入曰霅溪其流清而

溪耳且餘不溪與霅溪皆出天目山前溪雖出銅峴山

清縣東已與餘不溪合而北流至定安門外通謂之霅

與茗溪合然後名之石杜記箋此說與談志左據諸書考之水

自西來日苦溪入海源門東過儀鳳橋至於江渚瀝自南來者
日苦溪曰餘不溪曰北流水三水會於峴山溪入定安門過潮
折爲前溪瀝俗呼打柴灣過北東至子月河從月河西北
過長橋至江渚然後謂之善溪今人以打柴灣爲何善灣
善水自南來又以間水橋爲善水橋謂善水自西來並成
湖州府志善溪仰江渚瀝是也四水總聚善然有聲故謂善
溪又謂之善川

許渾雪溪詩山斷水茫茫游人西路長笙歌畱遠棹風雨寄
華堂紅壁耿秋燭翠簾凝晚香誰堪從此去雲樹滿陵陽

集

蘇爲雪上詩野艇閒撐處湖天景亦微春波無限綠白鳥自
南飛柳色濃垂岸山光冷照衣時攜一壺酒戀到晚涼歸

記

梅堯臣遊雪溪詩共愛雪溪風物美春來清可鑑鬢眉萌生
楚客將歸日花暖吳蠶始浴時臨水竹樓通市陌跨橋雲屋
接川渚畫船載酒期君醉已是無謀任翦夷

宛陵集

秦觀雪上感懷詩七年三過白蘋洲長與諸豪載酒遊舊事

欲尋何處問雨荷風蓼不勝秋

淮海集

范成大元夕泊舟雪川詩蓮炬光中月自圓人情草草近華

年最憐一夜旗亭鼓能共鐘聲到客船

石湖集

周紫芝荅雪舟中詩雲暗千家雨寒生兩岸秋水翻波入戶

人靚玉明樓山色遮愁眼荷香滿客舟水晶宮裏客還作此

生遊

太倉種安集

姚鵬寫雪川詩王戴溪頭小隱仙漁翁引上雪溪船幾回罷

釣思歸去又爲蘋花住一年

雪簃集

釋居簡雪川詩茅茨傍水似浮家自把蘋洲缺處遮魚菜常

多蔬菜少薺根挑盡到蘆芽

北磻集

舊溪在城西其源有二一發自天目山之陰金石鄉東至安吉治

南之邵渡又北至邱渡一發自獨松嶺西聚衆山之水并浮玉

才折旋亦至邱渡二源合而三於郡城之西一流入清源門
至江子漚爲雪水一流從清源門外迤起釣魚灣沿潦至臨

湖門外合雪水入於太湖成化湖州府志

吳興圖經昔溪夾岸多苦花相傳古有尹公者
相與飲水成湖日暮風生長數十號尹公湖

劉長卿昔溪酬梁耿員外別後見寄詩清川永路何極落日
孤舟解櫓鳥向平蕪遠近人隨流水東西白雲千里萬里明
月前溪後溪惆悵長沙謫去江潭芳草萋萋

釋靈一昔溪詩昔水灘行淺潛洲路轉深參差遠岫色迢遞
野人心凍澗冰難釋秋山月易陰不知天目下何處訪雲林

全唐詩

張先昔溪詩積水涵空上下清幾家門淨浪痕平浮萍破處
見山影小艇歸時聞棹聲入郭僧尋塵裏去過橋人似鏡中
行已憑簷雨添秋色莫放修蘆礙月生

賈安宅詩：「山下有源深，發此清流去不渾。直抵太湖三百里，滔滔分入海天門。」西吳里語

釋居簡著溪行，清者可饒，亦可漁。風烟佳處盡不如，無錢買田傍城闕。擬僦溪叟西隣居，得魚換得菰蒲米。孤煮作魚飽則已，寧能負腹不負人。以腹負人不若死，富春殘火猶堪稼。上時容易艱難下，在山遠志山可移。小草還復令人譏，菱歌貫濤瀾。樵聲出林曠，蘋風爲誰好。壁月待秋滿，延月入懷輜。慙歎好風未必無人管，筆牀茶竈散人家。何須去乘牛斗槎。

北邨集

胡仔著溪漁隱詩：「溪邊短艇長長柳，波上來來去去船。鷗鳥近人渾不畏，一雙飛下鏡中天。秋雲漠漠烟蒼蒼，蓮花初白蓮葉黃。釣船盡日來往處，南村北村秔稻香。捲起綸竿拋釣歸，短篷斜掩宿魚磯。日高春睡無人喚，撩亂楊花繞夢飛。」

又賦茗之清詩止止天連碧沉沉鏡不磨淵源有自
儘從他清可臨流賦渾貽渥足歌中津誰擊楫後進自盈科
亦有西馳者其如北注何還元雖一味到了不同波至潔清
巖漱孤忠歎汨羅酌貪懲俗下汲釀樂天和洗耳成輕去乘
槎倘再歌咸池升曉日何必挽天河

漁隱叢話

戴表元茗溪詩六月茗溪路人言似若耶漁翁掛棕樹酒舫
出荷花碧水千藤共青山一道斜人間無限事不厭是桑麻

劉原

沈夢麟茗溪漁隱詩茗花白白覆漁舫門外滄浪湛玉壺西
寒一簑清人語南溪百里直通湖鯨鼉罷釣吾應老鷗鷺同
羣爾不孤西取殘書歸去讀水雲鄉裏著潛夫

花溪集

楊載茗溪別友詩樓倚層城擁翠嵐登高送別此何堪雙溪
到郡同流北千嶂連關盡向南淡淡水陰雲度渚蕭蕭荷葉

雨鳴潭尋常不醉臨岐酒今日因君飲一酣

石卷集

張羽茗雪溪詩巍巍天目峯高大壓南紀崩泉初溢觴奔放
成茲水分流爲茗雪漚此古城裏滔滔逝不停脈脈來難止
極目更清寒漪漪澄遙萍朝來春雨漲洶湧蛟龍喜舟楫紛
來往萬斛等一葦翻翻輕鷗逝裊裊漁歌起我欲把釣竿來
問元真子

龍居集

唐棣茗溪述懷詩康莊道上謝輪蹄只合歸來向此棲白鳥
溪邊漁艇小青山堆裏酒樓低簾開野寺雲當戶櫓蘸春波
屋枕溪今日水晶宮裏住詩成不愧使君題

吳興絕唱

顧大典茗溪春日詩茗溪春深春欲歸柳絲拂地梨花飛客
子辭家已三月春風初換越羅衣羅衣競試春江曲花外鶯
聲斷還續春心羈思兩相催愁見天涯春草綠春草年年紅
客程屬舟明日又孤征故園回首春雲隔江上春風空有情

清音
堂集

王心一茗溪詩細雨茗溪曲微風度小航有園多種竹無屋
不圍桑語覺吳儂近流分震澤長烏巾春店近白酒熟盈觴

明詩

董斯張茗上晚眺詩水光浩渺孤棹橫蒹葭蒼蒼秋色清輕
烟初起漸成晚白口徐落似有情社鼓忽驚沙烏散漁燈倒
入空江明挽船之子點去路西南卻抵下菰城靜齋存草
施閏章茗溪秋泛詩旅泊烟波裏扁舟日看山岸過走馬埭
潭問釣魚灣菰米供饑甕荷風醒醉顏回思簪髻客今古幾
人閒愚山集

龍溪在城西北自城西楊家庄而下有大溪綿亘數十里入太湖
總名龍溪乾隆湖州府志

山塘溪縣南四十里會餘不前溪北流諸水至此入烏程界而北

至善山港是為山塘之水

崇正烏程縣志

晟溪縣東二十五里

同上

馬溪在丁涇南數里

同上

清溪縣東七十二里自運河東流與震澤鶯脰湖相接

明一統志

余津潯溪漁唱蔡蕩天孤碧四垂雨晴正好放鸕鷀浴湖十

里錦雲爛紅藕花香拂面吹

吳興藝文補

寶帶河縣治東其水通縣橋直注學宮右旁流入津

康熙烏程縣志

娘娘河在善山

同上

運河即官河在城東其源有二一自峴山漾分流至定安門外繞

城而東一自城內管溪分流至駱駝橋南過望州橋下而出迎

春門俱達二里許合為一河經昇山舊館至潯溪入吳江縣界

成化湖州府志

潯濱在縣治南五十步仰儀鳳橋下溪也晉咸和中都督郝鑒

溪在儀鳳橋西其水淺而直注便民倉後

崇正身程縣志

西二十七里都鑒開上接茗溪下達龍溪

同上

古涇浦雪溪西南岸梁時烏程有蘇氏女於此遇一道士曰汝後

大貴因遺一五彩蛇云三年當有徵蘇氏後適章氏生陳高祖

宣后高祖卽位拜后母爲安吉縣君因名

太平寰宇記

西吳里語又曰章浦其中生重

黃浦一名黃蘗澗在縣西南二十八里其源出黃蘗山因名焉括

地志云亦名庚浦蓋庚浦也以其左右有上康村下康村晉殷

康爲太守百姓避其名因以康爲庚

太平寰宇記

案黃浦卽庚浦新

掩浦一名項浦在縣東北十六里

同上

案三吳土地記云項有觀秦王曰彼可取而代也

項梁掩其口之處因名此齊東野人語不足據

芙蓉浦一名芙蓉池在翠波橋北廣福院東南今無蹟烏青志

丁涇在城東南謝村濠南數里乾隆湖州府志

梅涇一名東梅堰在縣西南六十里以古梅亭爲名威化湖州府志

江子涇在府治南卽四水會合爲晉溪處同上

前溪瀝慈感寺西之溪灣也同上

太子瀝在升山東以吳封孫皓之父於此因名苕紀

倒渚瀝在城西聚龍溪西來水入清源門北一支入清塘門同上

蘇灣在峴山寺前其堤蘇子瞻爲守時所築因名曰蘇灣蘇堤吳興志

備志

宋周密乳燕飛詞弁序辛未首夏以書舫載客游蘇灣徙倚

危亭極登覽之趣所謂浮玉山碧浪湖皆橫陳於前特吾兄

席中一物耳遙望具區渺如烟雲洞庭縹緲諸峯盡獻

蓋王右丞李將軍著色畫也松風怒號以色四起使人浩然

三
懷古高歌舉白不知人世爲何如也溪山不老臨
賞無窮後之視今當有茲余言者因大書山楹以紀波影搖
漣競赴薰風一舸來時翠陰清晝去郭軒楹纔數里薛礪松
間雲岫快屐齒筇枝先後空半危亭堪聚遠看洞庭縹緲
奇秀人自老景如舊來舸去棹還如否問古今幾度斜陽
番回首晚色一川誰管領都付雨荷烟柳知我者燕朋鷗友
笑拍闌干呼范蠡甚平吳卻倩垂綸手吁萬古付卮酒并陽
老人

集

張羽蘇灣詩羣山抱高城明湖湛清秋回岸曲如月橋橫雲
木幽間昔長帽翁曾來守茲州時清吏事簡公暇輒出遊揚
舸度南湖披衣臨清流濟濟文翰侶臨觴更獻酬賦詩屬篇
章自是謫仙僑斯人沒已久遺跡幸未休至今此處地名爲
蘇灣頭先生天下士直氣如雲淨如何羣小人戚戚方見讐

玉堂非吾榮，儋耳非吾憂。肯將百鍊剛，化為繞指柔。我來弔

其龜，攀芳向長洲。舉觴酌明月，日暮風颼颼。

解居集

袁泰蘇灣詩：蘇灣山下竹連岡，學士墳前臥石羊。牧豎採樵

爲野燒，漁人吹笛起滄浪。

袁永之集

釣魚灣在縣南一里，古稱唐張志和釣魚處。

龍灣在城西北九里楊家庄後，龍溪折而爲灣。

乾隆湖州府志

百花洲，宋熙寧中郡守孫覺開於峴山之麓，外植菱荷，內亭樹參

差，竹木森脩，水陸通道，往來鱗集。

峴山志

道場浜，縣南十二里，道場諸山之水分出，會四水而北流。

崇正烏程縣志

前柯浜，縣南十四里，金蓋諸山之水分出，會四水而北流。

同上

黃聖港，縣西南九里，合王村諸山之水分入，夾山漾。

同上

妙喜港，縣西南二十五里，合妙喜諸山之水分入，有賀溪漾，其北又

有三百畝漾，糞桶漾，尋河漾，和泰庵前漾，蓋山水衝激，其北又

言也 同上

棲賢港縣西二十里合棲賢諸山之水下入龍溪 同上

潘店港縣西二十七里合和平諸山之水下達龍溪 同上

橫涇港縣北四里龍溪支流自城北轉直趨小梅港入太湖 同上

盛家港縣東北三里 同上

西余港縣東十八里 同上

計家港在城北 乾隆湖州府志

大錢港小梅港俱在城北十八里 同上

西金港顧家港官瀆港張家港宣家港楊瀆港泥橋港寺橋港俱

在小梅東凡八 同上

楊港沈港和尚港羅港大港新涇港潘港諸港張港漫幻湖港西

金港東金港趙港許港王港謝港義高港陳港薄港五浦港蔣

漫錢港新浦港石橋港盛港宋港喬港湖港俱在大錢東凡二

十八

案典掌故及勞王諸志所載凡二十九渡內有字相類者湯渡陽渡楊渡一名王渡今趙渡王渡俱湮湯渡之外仍有楊渡未知何陽渡耶或傳王渡也

蘇公潭從貴溪東流三百五十步至駱駝橋下此水深不可測中有蛟螭代爲人患唐開元初許國公蘇懷子頴爲烏程尉郡守命督縣事因悞墜此直至潭底聞水中有人語云扶尙書出遂冉冉至水上略無損後爲元宗相嗣許公太平寰宇記

典統紀潭在貴溪東二百五十步至駱駝橋或化湖州府志以今考之則長江北潭也古稱長橋爲東駱駝橋吳川集風定蘇潭看凡生業正屬程縣志縣治東一里九十步

上智潭在烏鎮旱澇水不增減有神龜出沒其中或曰卽烏將軍之神也西吳里語

相國池在縣治中唐大曆中李晤爲烏程令生子紳於廨內甫週墜此池逾數刻若有神扶出者後紳至相因名成化湖州府志

池在峴山瑤璫坡上乾隆湖州府志

席池在道場山上方茗紀

八功德池放生池俱在道場山乾隆湖州府志

飲馬池在杼山同上

碧琳池在玲瓏山同上

通暑錄語吾居東西兩泉西泉發於山足蔚然淡而不流澗而
爲泓縱盈丈許溢其餘流於外汲者繼踵終日不耗陳泉亦有
山足而伏流決焉間雖暑熱池然後會大潤
而出兩泉皆極甘不減惠山而東泉沈潤

浮玉泉在峴山崇正烏程縣志

虎跑泉一南泉出道場山同上

白雲泉在金蓋山北麓山多雲氣故有佳泉十里內蠶絲俱汲煮

之微光白大甞下注田可百畝湖錄

泉在村山飲馬池下地方丈餘其泉清激觀者以足震地則

細泡連起如珠故名居民以溉田可百畝同上

烏程侯井在府西吳孫皓爲侯時所鑿

萬歷湖州府志

義井五一在忠靖廟一在地主廟一在府治西堙塞順治十五年

知府劉愈奇重開一在府治東一在迎春門外三里橋又有三

井在南市巷雙井在小市巷

乾隆湖州府志